

**Govor poslanice u Predstavničkom domu Parlamentarne skupštine BiH i članice
Zajedničke komisije za evropske integracije PSBiH Mie Karamehić – Abazović na
21. COSAP-u (Konferencija parlamentarnih komisija za evropske integracije
zemalja učesnica Procesa stabilizacije i pridruživanja u Jugoistočnoj Evropi)**

Tirana, Republika Albanija, 28. februar 2025.

„Dame i gospodo, uvažene kolegice i kolege članovi parlamenata, dragi gosti,

Srdačno vas pozdravljam u ime Povjerenstva za evropske integracije Parlamentarne skupštine Bosne i Hercegovine.

Nažalost, zbog specifične političke situacije u Bosni i Hercegovini u ovom trenutku, naša delegacija nije u mogućnosti pridružiti vam se u Tirani ali punopravno učestvujemo na ovaj način (online) tako iskazujući našu duboku predanost ovom forumu i procesu evropskih integracija svih naših zemalja.

Željela bih naglasiti našu posvećenost preuzimanju predstojećeg predsjedavanja COSAP-om te sa zadovoljstvom očekujemo naš naredni sastanak u Sarajevu.

Čvrstog smo ubjeđenja i stava da COSAP mora biti dodatno ojačan i da se treba prilagoditi novim izazovima i dinamici procesa integracije u Evropsku uniju. Posljedično, naš je stav da Poslovnik COSAP-a mora biti izmjenjen kako bi odražavao trenutne formalne i pravne realitete u regionu, Evropskoj uniji i cijeloj Evropi.

Adekvatne promjene Poslovnika COSAP-a bi ovom tijelu dale novi zamah i energiju i omogućile njegov rast i jačanje.

Uvažene kolegice i kolege, postoji snaga u brojnosti! Proširenjem članstva COSAP-a, naša zajednička pozicija spram Evropske unije može samo jačati!

Hvala vam na pažnji i želim nam konstruktivan rad.“